

南宮縣志卷二十五

鹽山賈恩紱編輯

掌故志

雜志篇

祥異表附

分野之說自歲差出其說益爲無稽今方志家率屏而不錄是編亦從而略之惟其說最古歷代方志不敢遽刪茲編旣不錄於疆域之下隻字不登終啟好古之疑姑錄於此以免漏畧之譏而已查漢書地志曰昴畢冀州月令章句曰自胃一度至畢六度謂之大梁之次清明穀雨居之趙之分野帝王世紀云自胃七度至畢十一度爲大梁之次於辰在酉謂之作噩於律爲姑洗斗建在辰今趙分野兩說已自不同而

星次尙不異然亦舉全趙而言所該殊廣晉書言魏郡鉅鹿中山常山入昴眞定河間趙郡俱入畢信都入畢三度南宮密邈信都亦當入畢三度道光志主畢三度之說而又引明史天文志以爲昴分謂係本洪武十七年清類天文分野書進退失據究不知孰爲可信其實則皆凡說不必深究可耳自來州縣志莫不有八景以其強爲粉飾也幾於自郤以下惟既有其說不爲登錄世俗反以爲怪矣南宮有十景不止於八其目曰古槐插漢微巒疊翠丹朱古墓石佛精廬風亭麥飯扁鵲舊封平岡鳳翥義姑遺烈泮水芳蓮彤塔凌雲道光志有十景圖繪者爲當時名手齊之璠然丹朱顯爲附會義姑遠在魯邦微山土阜何疊翠之足觀麥飯遺傳與大風

爲二事縱有故實觀其風景則索然矣宜大雅所弗道也  
程途一覽云臨清水馬頭南宮旱馬頭按馬頭爲商埠之別  
名其名頗古晉書地志有新興馬頭通鑑史憲誠築馬頭爲  
渡河之勢其取名本意不可得而原矣南宮爲商務輻湊之  
地故有馬頭之目今則周圍百里內外金融操縱尙唯南宮  
是視

道光志有流寓一目茲編不錄而附於此

鉅鹿楊思聖字猶龍寓居南宮少與鷄澤殷岳永年申涵光  
讀書廣羊山中順治丙戌成進士授編修與纂修實錄歷侍  
講學士出爲山西按察使後由豫藩遷蜀辛丑入覲卒於途  
年四十四與柏鄉魏文毅同年魏作五子咏首推思聖及魏

象樞申涵光曹本榮郝浴天下號曰楊魏善詩工書世祖賜上方筆札書稱旨賞賚甚厚謁孫徵君於共城徵君重之及遷蜀思廣羊不置故投劾而撫軍惜其才不爲請竟病死軹關其詩道邁老橫入少陵之室所著且亭集王企請刊四家以思聖爲首申涵光爲立傳

張浩字信齋號石城不知何許人乾隆中年寄南宮善詩文有梅影詩四首尤膾炙人口書法古勁日與當時文士相往來卒諸文人爲之塋葬每至祭掃之期彼此相邀以酒殽奠墓前事畢會飲如對古人

劉元震字東初順德任縣人寓居南宮城內鮑家街楊且亭故宅父南溪先生諱承謙嘉慶癸酉進士道光中掌教東陽

書院造就人材甚眾旁近郡邑弟子著錄者數百以科名顯者鉅鹿赫慎修冀州劉清俊以學行著者南宮孫春泰彭廉貞爾松嶺皆其高第弟子也先生卒於講舍莫能歸孫公會諸同門飲助之始成禮還里元震中道光丙午舉人能傳其家學弟子成就尤夥數十年邑中科第多出門下選授武清教諭以內難歸起復授蔚州學正卒於官其季弟元暉廩膳生早卒南溪父子著述甚富竟多散佚

邊珏字聯璧河間任邱人嘉慶癸酉舉人官南宮教諭卸任後貧不能歸邑人孫春泰兄弟爲置產遂家於南宮城內任邱邊氏爲畿南著姓隨園徵君以詩名於世珏幼承其學詩近唐賢李夢韶鈞觀察河南珏以中表遊其幕中見賞於錢

新壺儀吉張詩船祥河諸名宿泊官南宮與前令何繩武山  
長劉承謙獻縣劉書年輩以詩歌相倡酬所刊公餘雅集錄  
邑中至今傳爲佳話同治初南宮修城邑中捐款符於加廣  
學額之例邑人謁求詳請得旨允准珏有力焉年八十餘歲  
卒有子二長德明先卒次德厚扶柩返任邱著有退思齋隨  
筆錄隨筆續錄詩餘小譜讀左隨記菊潭詩詞集若干卷  
大耳禪師不知何許人唐貞元間居普彤寺建浮圖高十餘  
丈不煩求募而甃石俱有餘饒數日功成每一入定閉目飲  
氣月餘不出人或見其在塔頂危坐云

比邱希選沃州人修持戒行精通內典寓居普明塔院講論  
金大定中特賜普明院希選撰碑

比邱明徹號洞然山西霍州樂平里人父劉鎮母李氏幼禮  
洪洞華林崇福寺照大千禪師爲高弟宣德己酉隨師游落  
澤州吳山依誨堂德公結庵習業天順閒居南宮七里曲檀  
越爲建興隆寺居焉是爲寺中第一祖所著興隆寺碑重興  
寺碑鎮覺寺碑懸空寺碑皆能妙通禪理惜多散失不傳  
宗鑄興福寺僧自號癯禪正德間修大殿九楹高十丈鑄銅  
佛高五丈常閉禪十年不語忽自言曰吾將稅駕於蒼巖山  
谷矣瞑目而化有自西方來者覩癯禪在蒼巖厓壁間手執  
松枝誦楞伽經不輟

道士王志友故閩人也不詳其居里劉瑾握權勢傾朝貴擢  
志友爲司禮監僉書欲援以同事志友不從請爲黃冠瑾不

許乃私遁去行乞至南宮居焉號王道人邑中祠廟多其修  
建或問何以去瑾自苦如此志友曰烈焰薰天豈能終日繁  
花灼野能踰幾時後瑾敗族誅志友以壽終人服其智

宗髯不知何許人亦不詳其姓字身長七尺脩髯玉立遊南  
宮二十餘年冬夏常著一布袍不更亦不澣濯居常默視一  
卷人至則袖之或索看曰金書玉策非凡人可見至言要道  
豈下士所聞須三年洗心方示其卷十年方解其文眾笑以  
爲誕邑人韓生獨重之日從之遊畧不與韓生言問其姓名  
曰道本無名強名曰道吾宗於道更何名焉因其脩髯故人  
稱曰宗髯一日謝韓生去言將遊羅浮南宮人有在南海者  
見宗髯謂曰爲我謝韓生言已至此其人歸告韓生憶其見



之日卽謝去之日也

長鬚道人南宮人姓崔氏名天祺生而穎異形神秀發及壯容貌偉然鬚五尺黑若髥漆下垂至地手挽而行故自號爲長鬚道人芒鞋箬笠踪跡遍天下晚歲歸老於家閱數歲卒後十餘年有自東海來者見波濤洶湧中有道人長鬚飄颻左盤右旋逾時而沒相傳已得仙云

道士崔來福不知何許人嘉慶八年城北石佛寺修葺牆垣來福荷擔至求傭工雜眾匠人中營作見病者呻吟在旁曰我能治之試之而效試以瘡瘍亦效一時驚傳以爲仙求診者日益眾來福令病者卧佛殿中自東至西列數十人應鍼者炙者湯藥者無不應手愈檀越乃設藥局立候館車馬輻

西宮縣志 卷之十五  
五  
輳如市酬以錢幣不受爲寺捨香資則受數月所得不貲寺  
工緣此告成是夜仍荷擔而去不知所終

韓策屢上春官不第夢人謂之曰爾莫心急且須等我郭士  
吉乃徧訪無其人一日入縣城觀劇至木厰街郭某家小憇  
郭氏初生小兒策問之則士吉其名策爽然以爲河清難俟  
也郭氏貧甚韓周恤之教之讀書後與策果同榜進士

周根郃康熙進士見科舉表相傳少年鄉試中式保和殿覆試之

日根郃喜極盤旋飛躍監試糾其失儀黜名再試仍中鄉魁  
聯捷進士其裔周鳴一有五世拔貢兩中文魁之語謂此事  
也

鮑梓爲諸生時學使奇其才覆試之日有老人自內出呼與

語且曰爾文從大蘇來若熟讀韓文當更進退詢其人則宜興儲同人也梓遂肆力韓文抗行作者

白範字汝式邑庠生按察司僉事杲之孫博通羣籍過目不忘爛絲竹尤精於琴用康節梅花易如神一日人問今日有雨否曰有大雨不久卽止少頃果然

齊珩字楚白歲貢生精於數學六壬尤探其妙占驗無不奇中與同邑韓鳳原齊名陳相國世倌雅重之援例薦司訓珩曰吾命有官無祿不可以久留馳歸比府檄下珩歿已月餘矣鳳原名思深精數學珩極稱其術嘗語人曰後有兵亂東南行吉無害同治初捻匪至鄉里憶其言東南行果不遭劫掠二百年前早爲人決趨避云

南宮縣志 卷二十一  
杜廷球字磬玉邑庠生孝昌村人品格卓異生平訓徒多所  
成就後研窮周易格太乙經六壬尤探其妙同治壬戌鄉黨  
避亂問卜言東南吉後果如其言

王松齡字鶴籌天資聰敏業岐黃外科尤精燒五色丹獨得  
金鑑不傳之秘兼通術數以指訣符呪救人急又神於黃帝  
宅經及青烏子所授諸書爲人卜吉無不驗殆古方士之流  
亞也

牛秀山字蔚然大屯村人簡樸渾厚精通易數爲人卜休咎  
輒竒中時有君平之目

劉京品行端嚴享年九十六歲道光中恩賞九品及黃馬褂  
縣令榜其門

元延祐六年南宮置織染提舉當時蠶桑之業必有可觀罷於何時則不可考

萬厯志云永樂初山西民申外山等詣京上言本處地磽且狹歲屢不登衣食不給乞分丁於北京真定南宮等府縣寬閒之處占籍爲民撥田耕耘依例輸納庶不失所從之三年夏五月高平長子民遷南宮者四百餘家今河北各縣人民始遷之祖推本於永樂二年出山西來者十之五六亦有自小興州遷者朱笥河文集曾詳之惟當日始遷之由不見載籍邢志此條足補一方掌故之缺

成化四年秋攢造南宮戶口册籍以生養蕃息新增六里謂

之新析民

參詳建  
置篇

嘉靖九年以消耗減新析民二里

道光志云明嘉靖十八年冬令眞定所屬州縣暫徵折色馬價按嘉靖十一年以前民間養馬歲解本色是年陳修請將眞定應解俵馬暫解折色田賦中之有馬價蓋自此始此所言當卽此事惟十八年與十一年相距太久若非誤字卽陳修奏准後延至十八年始實行折徵也

祥異表 己入編恤表者不錄

紀年

天事

稽事

雜記

宋

元豐元年

河決南宮下掃  
淹民田數萬畝

咸淳三十一年

秋七月大雨雹

金

元隆五年

秋大蝗蔽天數  
日散去不爲災

元

至元三十一年

秋七月雨雹

明

成化十四年

夏六月大水  
圮南宮縣治

正德二年

冬大雪平地丈餘  
凍死人畜無數

七年

嘉靖元年

八年

大風颺沙晝晦

十年

星隕如雷火光  
燭地化為石

二十二年

秋七月飛蝗蔽  
天食禾稼  
大饑死者載道

三十五年

秋大雨傷禾稼

三十九年

大饑民流移河南者大  
半四十年流民復歸  
夏六月蝗不為  
災

隆慶三年

天啟五年

春正月紅風起自午至  
申太陽無光星辰晝見

崇禎六年

夏六月大雨水深尺餘低田淹  
沒民居傾塌流葉充溝

訛言有黑骨夜過人  
以金鼓兵仗自衛  
原靈結爾遍  
野



十二年

十四年

清

康熙十一年

六十年

雍正二年

七年

十年

大饑

大旱民饑餒有父子兄弟相殘食者幸稷不種而自生先穀成熟人賴以生

夏飛蝗蔽天知縣胡景銓爲文禱神蝗不爲災饑

大有年

大有年

夏五月十七日早聞天鼓自東北而南聞五月二十七日日夜東北白氣一道南行有聲蓋白祥也亦鼓妖也

十一年

夏四月初十日日色紅赤如血竟日無風黃濁日落亦如血

乾隆八年

冬十二月初十日有星孛於西

十年

春三月十五日星隕於東頃之無雲而雷

二十四年

夏六月飛蝗蔽天蟪生食禾稼幾盡田多耕毀不毀者苗重生收頗豐

二十八年

春三月大寒麥皆凍死不耕毀者苗重生收頗豐

二十九年

冬十月初二日地震

三十一年

冬十一月初二日地震

三十二年

春二月初二日二十四日大風晝晦

秋七月二十五日地震

三十四年

秋八月彗星出東北射野昉蟲災西南

三十八年

秋七月二十六日地震

三十九年

春多風霾

夏大旱

四十四年

夏五月十二日烈風雷雨樹木多拔

五十年

夏四月初十日大風晝無麥晦

五十三年

春多風霾夏六月初九日大雨滄河溢

五十六年

大旱無麥禾米價騰貴

春正月初九日地震

五十七年

夏四月初四日雨雹

五十八年

嘉慶十二年

春二月初九十七三月十三等日大風晝晦行人有迷入井及沙壓死

十五年

十七年

十九年

二十三年

二十四年

二十五年

道光元年

二年

三年

六年

八年

大水

旱

夏蟲食棉花幾盡餘穀  
豐收  
連歲大稔米價甚減

夏六月水

大有年

夏六月二十  
二日地震

七月大疫死者甚眾股四  
逆湧刺手足腕青筋出紫  
血可結

冬十二月十九日至二  
十二日大雪深七尺餘

夏四月朔日月合璧五  
星聯珠

夏六月大雨水

春二月二十四日大風  
晝晦連三日夜

九年

秋八月初六日雨雹傷稼

十年

夏四月初一日大雨連二日夜

十一年

冬十二月雪深三尺餘

十二年

夏六月大旱苗多槁經雨復生卒獲豐稔

十四年

秋七月螟蟲食禾大半

十七年

大旱

二十二年

大旱 蟲災

三十年

冬十一月十七日大雨

咸豐二年

五月十三日地震

三年

正月二十二日紅雲蔽日自辰至午始散七月雨連七日水氾濫

五年

七年

八年

九年

十一年

同治三年

九年

十年

光緒三年

四年

八年

四月大風晝晦

大水

飛蝗徧野

七月十五日夜流星奔  
西南黎明方息  
冬雪深數尺

大水

七月大雨水

大旱米價騰貴三月驚傳妖

秋雨連七日

術割髮

天降紅雨於焦家旺村

大旱米價騰貴

八月彗星出正東射南  
寬尺餘月餘始沒

十月二十二  
日地震數次

十二年

十七年

二十六年

二十八年

三十二年

宣統二年

民國六年

九年

十五年

十七年

冬月有夜旱如雨

四月大風拔木雨雹有  
大如拳者  
大雨水

六月大風雨拔木墜屋  
邑東南境災最重

地震

旱甚立秋前三日雨始  
邑令郭長年  
沃足得種穀不是年閏  
出示均糧全  
八月收成不減於豐年  
境大擾

大疫一村死者  
多至數十人

秋七月蟲災甚重秋收  
大歉

大旱五穀不登  
華洋義賑會等來  
邑救濟無死者

有蝗

南宮縣志卷二十五終

邑人李葆光校